

Guangjisi Minzcu Bau

ganhhau: CN45-0036 B.2014 Nd.4 Ng.16 liggaeuq gyapngux nienz ndwensam cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3119期

Namzningz: "Sam Nyied Sam Bouxcuengh" Hoz- dung Hawj Vahcuengh Sawcuengh Engq Miznaj

南宁: "壮族三月三" 活动让壮语文更放彩

Bineix, "sam nyied sam Bouxcuengh" geizgan, Namzningz Si cung-faen leihyung doenghgi vah minzcu nemgyawj vunz lai, ngaih rox, doengh-boux saujsu minzcu gyaemaij de, gaihcanj eu Fwencuengh daengj angq hoh "sam nyied sam Bouxcuengh" hozdung; youq hozdung yienhciegz, youq gak loih meizdij senhconz ndawde, aen si neix faenfaen aeu Vahcuengh Sawcuengh daeuj guh hozdung nem senhconz, neix hawj Vahcuengh Sawcuengh engqgya miznaj.

Youq Namzningz Si Sihyangh-danz Gih Cunghvaz Lu Segih, Gyanghnanz Gih Gyanghnanz Suij-gaih, Vujmingz, Sanglinz, Majsanh, Lungzanh daengj cwnzgih, yienhsingz, yanghcin, youq giz guh "sam nyied sam Bouxcuengh" hozdung yienhciegz, youq gwnz senhconz byauhyij, benj baihlaeng vujdaiz daengj, youq ndaw gvangibo densi cezmu, Vahcuengh Sawcuengh cungj guh daeuz, neix yienh'ok Bouxcuengh raeuz doih vah saw minzcu bonj-ndang gig miz saenqsim, vunz lai

gamjdaengz vwnzva raeuz engq lai miznaj.

Ciuq gyoepsuenq mbouj liux, bineix gvaq ciet "sam nyied sam Bouxcuengh" geizgan, Namzningz Si gak sigih, yienhgi youq gak giz dieg gunghung, hozdung yienhciegz venj gij fukvang aeu Cuengh Gun song saw sij de 800 lai diuz, guh benj baihlaeng vujdaiz aeu Cuengh Gun song saw sij de 120 lai gaiq, neix gig ndei dwk yienjok le gij cozyung ndei vah saw saujsu minzcu.

(Banh Bingjinz)



Lingzyinz Yen Cauzlij Yauzczu Yangh Gawjbanh Ciet Yauzczu Hozdung

凌云县朝里瑶族乡举办瑶族节活动

4 nyied 14 hau (liggaeuq sam nyied cibngux), dwg vunz Cauzlij gvaq ngoenzciet Yauzczu coj miz de. Ngoenzde, Lingzyinz Yen Cauzlij Yauzczu Yangh Bwzczu Cunh youq aen cunh neix gawjbanh ciet Yauzczu hozdung. Doenghgi hozdung ndawbiengz Yauzczu gig

miz daegsaek de dazyinx le ndaw cunh baenz fanh vunz Yauzczu daeuj camgya, yienhciegz nauhyied dangqmaz. Ndaw doz dwg giz byaujyenj yienhciegz vunz cien vunz fanh de.

(Loz Veihyij ingj)

Nazboh: Aeu Guh Ndei Cib Gienh Saehsaed Hawj Saujsu Minzcu Souh'ik

那坡: 确保十件实事造福少数民族群众

Daj bineix daeuj, Nazboh Yen youh lai roengzrengz, laebdaeb comz cienzngaenz guh 10 gienh saehsaed saehndei, hawj vunz lai saujsu minzcu souh'ik engq lai.

10 gienh saeh neix couhdwg; roengz 3000 fanh maenz, guh daengx biengz gensinh cungsim hanghmoeg; roengz 1300 fanh maenz, guh dieg

henzguck minzcu vwnzva swnjcienz henhoh cungsim; roengz 2799 fanh maenz, guh gyauyuz hawj vunz lai souh'ik hozdung; roengz 738 fanh maenz, guh veiswng hawj vunz lai souh'ik hozdung; roengz 350 fanh maenz, youq haujlai aen cunh siuj zozyau nem dieg yanghfuj cang sibinz genhgung hidung; guh gunghcwngz coengh bouxcanciz

hawj vunz lai souh'ik; guh "cien mbanj doeng roen" goengloh gensez hanghmoeg; roengz 750 fanh maenz, guh lajmbanj yinxraemx ancienz gunghcwngz; roengz 2000 fanh maenz, fazcanj nem guh hung gosangh nonsei, lwgmak daengj daegsaek canjyez; guh yienhsingz ndaem faexrum, cang yiengh daeng gunghcwngz. (Hij Dwzhoz)

SIUSIK DINJ

简讯

● 3 nyied 31 hau, Cungzcoj Si heij guh "sam nyied sam" hozdung, gij hozdung neix lai cungj lai yiengh youh ndeiawj, neix dazyinx le haujlai meizdij daeuj caijfangj. Ciuq gyoepsuenq, daengz 4 nyied 8 hau, gak gaep meizdij gungh baudauj 20 lai bien(diuz), gak loih vangjan riengz daeng ok 170 lai baez.

(Lungz Yenyinh)

● 4 nyied 12 hau, Yungzsuij Myauzczu Swciyen youq Yanghsanh Gunghyenz gawjbanh roeg doxdoj doxdax hozdung, 1000 lai boux maij roeg doxdoj dawz roegvameiz daeuj doxdax, neix yinx le haujlai vunz daeuj ngonzyawj.

(Lungz Linzi)

● 4 nyied 10 hau, Cauhbingz Yen guh cuengq bya hozdung, cuengq 40 fanh duz byalgw roengz Dahgveigyangh bae. Ciuq cam rox, daj 4 nyied 1 hau daengz 6 nyied 1 hau, rangh Dahcuhgyangh haeuj seiz mbouj ndaej dwkbya, aeu neix henhoh swngdai.

(Liuz Feih)

● Duh'anh Yauzczu Swciyen gietdingh 4 nyied youq yenvej dangyau banh sam geiz gungh 441 boux saujsu minzcu lingdauj ganbu comz hagsib beizyin, daih'it geiz youq 4 nyied 1 hau daengz 8 hau haiban, geiz neix miz 147 boux zozyenz daeuj beizyin.

(Lanz Fuzgvanh)

● Bi'gvaq, Lingzyinz Yen Ya'gyaz Yangh Bingzvaiz Cunh daengx cunh ndaem gosangh 6000 moux, doengh-gij hoh ciengx nonsei miz 210 ranz, gungh ciengx nonsei 2783 mbaw, canjlieng 1981.8 rap, canjeiz 292.8 fanh maenz, aen cunh neix gaj-bienq canjyez gezgou, aeu-ndaej yaugoj gig ndei.

(Siuh Fazlingz)